



Sarajevo, 22.12.2020. godine  
Broj: NO- 35702/20 – 37./18.

## SKUPŠTINA DRUŠTVA

### **O b r a z l o ž e n j e** **prijedloga Odluke o razrješenju dva člana Odbora za reviziju** **Javnog preduzeća Elektroprivreda Bosne i Hercegovine d.d. – Sarajevo, radi podnošenja ostavke**

Šezdeset i druga (redovna) Skupština JP Elektroprivreda BiH d.d. – Sarajevo, održana dana 28.05.2020. godine je donijela Odluku o izboru i imenovanju članova Odbora za reviziju JP Elektroprivreda BiH d.d. – Sarajevo na period od četiri godine od dana imenovanja. U Odbor za reviziju su imenovani slijedeći članovi: mr.sci Almira Zulić Burek, dipl.ecc, Fikreta Bešović, dipl.ecc i dr.sci Haris Jahić, dipl.ecc.

Član Odbora za reviziju dr.sci Haris Jahić je dana 14.12.2020. godine, podnio ostavku na poziciju člana Odbora za reviziju, a dana 15.12.2020. godine član Odbora za reviziju Fikreta Bešović je podnijela ostavku na poziciju člana Odbora za reviziju.

Nadzorni odbor Društva, je na nastavku 37. sjednice, održane 22.12.2020. godine, utvrdio prijedlog Odluke o razrješenju dva člana Odbora za reviziju, radi podnošenja ostavke koji se, nakon završenog postupka po Javnom konkursu za izbor dva člana Odbora za reviziju, sa prijedlogom Odluke o imenovanju dva člana Odbora za reviziju upućuje Skupštini Društva na odlučivanje.



Predsjednik  
Nadzornog odbora  
dr. sci Izet Žigić

Co:  
-10  
- a/a



Vilsonovo šetalište 15, 71000 Sarajevo, BiH,

Reg. broj: UF/I-392/04 Kantonalni sud Sarajevo  
Porezni broj: 4200225150005, PDV broj: 200225150005  
3389002208746755 - UniCredit banka d.d. Mostar  
1549212003366506 - Intesa SanPaolo banka d.d. BiH Sarajevo  
1610000005160023 - Raiffeisen Bank d.d. BiH Sarajevo  
1990490176075902 - Sparkasse Bank d.d. BiH Sarajevo  
1401011110000812 - Sberbank BH d.d. Sarajevo  
[www.epbih.ba](http://www.epbih.ba)

Podružnice Društva:


Hidroelektrane na Neretvi, Jablanica, J. Černija 1  
Termoelektrana «Kakanj», Kakanj, Čatići  
Termoelektrana «Tuzla», Tuzla, 21. aprila 4  
«Elektrodistribucija», Bihać, Bosanska 25  
«Elektrodistribucija», Mostar, Adema Buća 34  
«Elektrodistribucija», Sarajevo, Zmaja od Bosne 49  
«Elektrodistribucija», Tuzla, Rudarska 38  
«Elektrodistribucija», Zenica, Safvet bega Bašagića 6

Prof. dr Haris Jahić

Član Odbora za reviziju EP BiH d.d. Sarajevo

Sarajevo, 14.12.2020.g.

n/r Sekretar Društva



Predmet: Obavijest o ostavci na poziciju člana Odbora za reviziju EPBiH

Poštovani,

Zamolio bih vas da obavijestite članove Nadzornog odbora EPBiH i članove Odbora za reviziju EPBiH da sa današnjim danom podnosim ostavku na poziciju člana Odbora za reviziju, a kako bi mogli na vrijeme pokrenuti postupak popunjavanja navedene pozicije.

Razloga za navedenu odluku ima više. Ali najdominantniji je taj što se institutu revizije (i eksternoj i internoj) u EP BiH, po mom mišljenju, prilazi isključivo **formalno**. Jedno od osnovnih načela računovodstva i finansijskog izvještavanja iz Konceptualnog okvira za finansijsko izvještavanje (IASB Okvir) je da finansijski izvještaji budu fer i korektno prezentovani. Za ovih nekoliko mjeseci koliko sam proveo kao član EPBiH imao sam priliku da vidim kako se organi Društva (od Uprave pa do nositelja upravljačkih prava) odnose prema preporukama revizora (i internih i eksternih) unazad nekoliko godina. Skoro pa da je svejedno da li će izvještaji revizora biti negativni ili pozitivni jer se već godinama zanemaruju razlozi (preporuke) neizdavanja pozitivnih mišljenja o finansijskim izvještajima, kako konsolidovanih, tako i pojedinačnih finansijskih izvještaja. Napominjem da su zadnji konsolidovani (mnogo relevantniji u odnosu na pojedinačne) finansijski izvještaji bili sa negativnim finansijskim rezultatom. Čak i na takve rezultate revizori izdaju negativna mišljenja što je kombinacija najgore moguće vrste. Preporuke revizora se samo gomilaju iz godine u godinu na kojima se ništa ne radi. Najčešće spominjani problemi su (koji svi znaju) vrednovanje ulaganja u druga pravna lica (od kojih neka imaju "Gubitak iznad visine kapitala", što je apsolutni nonsens) od nekoliko stotina miliona KM koji su itekako upitni. S tim u vezi, pozicija koja se računovodstveno problematizira kod svih revizora (i internih i eksternih) jesu "avansi" firmama kćerkama. Svjesno izbjegavanje obračuna amortizacije kod pojedinih firmi kćerki da bi se umanjio negativni finansijski rezultat evidentiranjem na kontu "stalnih sredstava namijenjenih prodaji", i slični postupci "kreativnog" računovodstva ne doprinose fer i korektnom finansijskom izvještavanju.


Pošto ne želim biti "formalno" član tima (EP BiH) koji svjesno ignoriše razloge zbog kojih revizori godinama upozoravaju na neobjektivnost finansijskih izvještaja, a i zbog zaštite digniteta profesije, podnosim ostavku u nadi da će "donosioci odluka" na svim nivoima biti više svjesni potrebe i neophodnosti da finansijski izvještaji trebaju prezentirati fer i korektan finansijski položaj i uspješnost poslovanja Društva. Ovo je izuzetno važno u narednim godinama kada će se pasiva bilansa stanja vrlo brzo napuniti sa milijardama KM kredita zbog započete investicije.

Na kraju poželio bih mnogo uspjeha kolegama i kolegicama koje rade u internoj reviziji. Posebno se to odnosi na djelatnike Odjela za internu reviziju koji u nedostatku zaposlenika u tom odjelu podnose ogromni teret i ukazuju na sve anomalije procesa finansijskog izvještavanja.

U nadi da će ova ostavka promijeniti na bolje proces kvalitetnijeg finansijskog izvještavanja u EPBiH,

Srdačan pozdrav,

Prof. dr Haris Jahić

  
Redovni profesor Ekonomskog fakulteta  
Univerziteta u Sarajevu

Sarajevo, 14.12.2020

**Fikreta Bešović**  
**Član Odbora za reviziju**  
**JP EP BiH d.d.-Sarajevo**  
Mobitel: 061 211 519  
E-mail: [fikreta58@hotmail.com](mailto:fikreta58@hotmail.com)

**JAVNO PREDUZEĆE**  
**ELEKTROPRIVREDA BOSNE I HERCEGOVINE d.d.**  
SARAJEVO

Primljeno:	15-12-2020
Broj:	
10-	36030

Sarajevo, 15.12.2020. godine

**JP Elektroprivreda BiH d.d. – Sarajevo**  
**Sekretar Društva, G-din Goran Milošević**

**Predmet: Ostavka na poziciju člana Odbora za reviziju**

Poštovani,

Molim Vas da službenim putem prosljedite nadležnim organima Društva moju ostavku na poziciju člana Odbora za reviziju JP Elektroprivreda BiH d.d. – Sarajevo.

Osnovni razlog mog odustajanja da učestvujem u daljem radu Odbora za reviziju, te podnošenja ostavke je neslaganje sa ostala dva člana po pitanju prioriteta obaveza Odbora i odgovornosti za njihovo izvršavanje.

Naime, u redoslijedu obaveza i dužnosti Odbora za reviziju, prema čl. 28. Zakona o javnim preduzećima u FBiH, kao i čl. 103. Statuta JP EP BiH d.d.-Sarajevo, na prvom mjestu je navedeno imenovanje vanjskog revizora.

S obzirom na to da Odbor za reviziju, čiji sam član, ovu obavezu nije uspio da ispuni ni nakon više od 6 mjeseci rada, isključivo zbog bespotrebnog odlaganja rješavanja ovog problema, od strane druga 2 člana Odbora, smatram da ne mogu ispuniti svoju odgovornost člana Odbora onako kako sam to uvijek radila i kako smo bili u obavezi prihvatanjem ove funkcije.

Smatram da ovakav stav nije ispravan, te da zbog kršenja nekoliko zakona podliježe kaznenim odredbama i time može da prouzrokuje štetu Društvu i odgovornim licima.

Na ovo sam u nekoliko navrata i usmeno i pismeno upozoravala članove OR, tražila izjašnjenje po ovom pitanju, tražila prijedlog drugog rješenja, ali je svaki trud bio ignoriran. O ovim izjašnjenjima ste upoznati i Vi, kao Sekretar Društva, Direktor OIR, kao i Glavni interni revizor.

Zahvaljujem na dosadašnjoj saradnji i želim Vam uspjeha u budućem radu.

S poštovanjem,

Fikreta Bešović, dipl. Ecc







Na osnovu člana 234. m) Zakona o privrednim društvima („Službene novine Federacije BiH“ broj: 81/15), i člana 62. tačka 20. Statuta JP Elektroprivreda BiH d.d. – Sarajevo broj: SD-5211/16 -38/2. od 29.03.2016. godine, broj: SD - 18295/18 - 51/5. od 19.07.2018. godine i SD-31793/20-66./2. od 07.12.2020. godine \_\_\_\_\_ Skupština Društva, održana \_\_\_\_\_ 2020. godine, je donijela:

**ODLUKU**  
**o razrješenju dva člana Odbora za reviziju**  
**Javnog preduzeća Elektroprivreda Bosne i Hercegovine d.d. - Sarajevo, radi podnošenja ostavke**

**Član 1.**

Skupština JP Elektroprivreda BiH d.d. – Sarajevo prihvata ostavke slijedećih članova Odbora za reviziju:

- dr.sci Haris Jahić, dipl.ecc i
- Fikreta Bešović, dipl. ecc

i razrješava ih dužnosti, odnosno prava i obaveza članova Odbora za reviziju, radi podnošenja ostavke.

**Član 2.**

Ova Odluka stupa na snagu danom donošenja i objavit će se na oglasnoj tabli Javnog preduzeća Elektroprivreda BiH d.d. - Sarajevo.

Broj: SD- \_\_\_\_\_ .  
Sarajevo, \_\_\_\_\_ 2020. godine

Predsjednik  
Skupštine Društva